

本傳

許子偉。字用一。孤貧力學。登萬歷壬午鄉薦。丙戌進士。授行人。尋擢兵科給事中。轉吏科右給。抗顏諫諍。值聲大著。創瓊州會館於京師。鄉紳羈旅稱便。告病歸籍。假滿補戶科右給事中。以彈劾權貴忤旨。謫銅仁府經歷。遂歸養母。凡戚里貧乏。多所賑給。值黎寇猖獗。貽書當事請勦之。內使開採珠船。科派瓊珠。役以萬斛。子偉力言。得減其數。置義學於儋耳。開敦仁書院於郡中。建明昌塔以培文風。中外疏薦起用未報。卒賜諡忠值建坊。著有諫垣錄。廣易通。敦仁編。鄉人請祀於明昌塔。以配邱海。今祀鄉賢。郝通誌

賜進士吏戶兵三科給事中許忠直公墓表

高五尺八寸闊二尺

先大夫以雷憲掌瓊篆。余舉孝廉。省親官署。因以知瓊山之許公。文章則宗邱深菴。理學則師陳白沙。楊復所。氣質則效海剛峯。及余以閣事歷覽文宗諸科臣奏議。敬服於公素矣。嗣是培翁吉鼎以特用改授瓊州。其為門人許生合明。萬里走啓。請余撰墓表。乃得悉公之素行焉。許公諱子偉。字用一。號句南。原籍金陵人。年十四早喪父。侍母任太孺人。守節教養。居恒讀書。披覽不倦。舉萬歷壬午科鄉薦。登丙戌科進士。授行人司行人。與海剛峯公並居瓊郡福德里。公忠廉介。志同道合。剛峯公捐館。大行儀會舉同鄉之賢者。護喪。以公名請。公不憚萬里。跋涉奉差。御葬工峻。擢兵科左給事中。尋陞吏科左給事中。請歸省親。起補戶部左給事中。廷言降謫。公居家孝友。為國忠貞。疏劾權貴之要津。進議內使之開採。代貧窶之昏姻。切飢寒之推解。存夏常卿之芳名。助王衛弁之襲職。薦人才不取禮謝。杜門戶不入公庭。有益於世道人心者。公必建言。有傷於民情風俗者。公必補

許 忠 直 公 遺 集

救。所建明昌塔。設儋其義學。開敦仁書院。掌教文昌玉陽書院。所著有廣易通。警覺語。文編吟草等書。公之事業未終。勳名有待。再奉簡命。而浩然仙逝矣。公生嘉靖乙卯年六月初九日亥時。卒萬歷癸丑年五月初二日亥時。享壽九十有九。官清如洗。產業不滿百金。名重如山。景仰每欽多士。闔郡紳耆呈請祀於鄉。得如例。春秋祀公。共建坊表。旌公忠直。配孺人曾氏。伉儷齊眉。初于歸公也。事箕帚。操井臼。供甘旨。理家教子。至老不倦。外而會賓客。內而男女昏姻。孺人稱中饋之淑貞者矣。孺人生嘉靖丙辰年七月二十三日辰時。卒萬歷乙卯年八月二十七日未時。有丈夫子三。長曰公明。娶陳日履女。先公卒。次曰合明。娶邱文莊公仍孫女。三曰命明。娶李芳名女。俱有聲庠序。克昌厥後。有女四。一適唐侍郎曾孫處明。一適鄭學憲玄孫之良。一適陳學博長子德明。一適牛衛揮長子瑞斗。天啓六年三月初三日。臧公與孺人於陶山合水之原。崇禎十七年清明日立墓碑。余敢不表之。謹銘之曰。

墓表

卷

許 忠 直 公 遺 集

墓表

諫草修筆不修舌。文皇轉圖鑿熱血。一生骨鯁堅如鐵。何當枉笏呈直節。嗟乎高風世雖隔。久仰忠貞著廉潔。鬱鬱佳城得安厝。峨峨陶山隱藏宅。生爲名諫沒鄉哲。行人過者視貞石。

賜進士第東閣大學士太子少保禮部尙書蔣德璟拜撰

肆

崇禎十七年歲次甲申春月立

許 忠 直 公 道 集

序

記

目 錄

贈賀定齋呂侯仁政榮滿序

贈縣尹賀定齋家居六十一壽序

喻義亭朱陸同然記

尙友書院記

陳邑侯去思記

巡按察公散灣黨碑記

會同學田記

儋蘭村德義書館記

目 錄

許 忠 直 公 遺 集

目 錄

遷建儒學記

濬河記

祭文

祭海忠介公文

詩

文筆峯

五指山和丘文莊公韵

海口渡

挽海忠介公

玉陽書院

皋塘館喜晴擬回玉陽書院祀白沙先生

遊青山三首

馬鞍岡

贈賀定齋邑侯仁政榮滿序

文昌之有玉陽書院也。自賀瞻龍先生始也。先生令文昌甫二載。爲丙申歲。而玉陽書院成。一日走刺招余菽水亭曰。以不穀之夙奉教於君子也。而子然參琴堂。居元元上。毋論學落。即胡以造多士。而答聖天子帥師之命。儻其惠邀東行。不腆下邑。庶幾有光乎。已而開體仁堂。坐予首坐者數日。予爲發先生顏堂之旨。爲之談仁體者亦數日。時則博士青襟子雍如也。諸衣冠秩如也。相與歌白沙陽明之句。耆童嗜嗜如也。衙庭翼翼如也。闈闈熙熙如也。谿澗吟嘜之間。穰穰如也。先生閑閑與與如也。此不可觀先生之政哉。此不可觀先生之仁哉。今博士梁孝廉帥諸生以滿績文請。噫嘻。先生之政。先生之仁爲之。微仁何以名先生。先是先生下車期月。化洽隣封。予爲叙循良新政頗悉。迄今三年如一日。而仁有加焉。節行冰潔如故也。而道德禔躬。天行物表。奚啻清畏人知也者則仁。催科撫字。弭雀荷。清肺石。灑左右如故也。而心浮於法之外。奚啻人自以爲不寃也者則仁。不驕抑強角。

許 忠 直 公 遺 集

名高如故也。貧而納之富。富而納之禮。虛廓坦夷。而人靡所道智。靡所見德則仁。夫先生數者之政。遠邇司民者。若標準而範之。而欲然常自損也。監司郡大夫兩臺使者。慮無不人人上治行高等。期且夕大用。而爲即以文昌壽樂之也。卽今鄉保軍容。用遏戢黎醜。彬彬文有其武。而不沾沾以自見也。遇有水旱。爲之勸貸以賑濟之。時聞疫癘。爲之捐金以匡救之。里社祈賽。若迎貓祭虎。爲之修禮制以明示之。教訓正俗。無務拘攣。博世儒剛方之名。其仁政豈今時所易有乎。瓊中士民。每思救瓊之病。欲竟借先生以瘳之。而先生惻隱中存。遇民卽告民。遇士卽吾士。由瓊文而定會。無不人人父母先生也。何也。仁然後無虧缺。仁然後無伎倆。仁然後無閼隔。仁然後無拘執。仁然後無差等。先生真體仁者哉。夫先生學於王塘南先生。塘南先生兩棄監司奉常。歸講學於西原。老而益礪。求以明此道。精研於靜。而實證於性。得學真詮。吾儒作用。患學不明與真耳。先生得其明者真者。以令文昌。學不必已用。道不必已行。塘南先生聞之。不當如子輿氏喜樂

正子耶。顧樂正子好善。尙在疑信之界。其中未必有也。迺先生有之矣。又若將充實而光大之矣。先生示予塘南語錄曰。聖人與天地萬物一體。痛癢相關。俱立俱達。是謂行仁。又曰俱立俱達。形容本心。生生面目。最爲親切。以今觀於文昌之政。斯教不旣行乎。教行而學不益明乎。塘南先生之喜。當甚於子輿氏矣。敬爲特書。馳以聞於二益軒。

贈縣尹賀定齊家居六十一壽序

夫仁民者未有不仁其身者也。選定齋賀侯尹文昌。清白獨持。本仁心爲政。急撫字。緩催科。先德化。後刑罰。屏虛文。敦實意。蠲俗態。還古雅。疎闊當路要津。而詳審於窮簷鄙屋。利罔弗興。害罔弗釐。五六年如一日。至會多士於體仁堂。而道心醒。祀白沙子於崇正樓。而聖學明。絃歌之聲。達境內外。而仁政備矣。用是譽騰上國。擢貳守姑蘇。淺淺大用。庸詎知輒賦歸來。潔其身以成其仁哉。前是侯東吾京邱曰。某之不于役姑蘇也。以塘南師老且耄。願及時事之。報國之日長。可徐以俟也。予知侯有託而致仕。非爲

許忠直公道遺集

高蹈。其經世之志。何日能忘。爲歎服者久之。而予道歸螺州。養疴三益軒。侯爲予授館粲。見侯事塘南先生。若終身慕。左右就養。有方而若無方。出王遊衍。頃刻離之而不可得。不覺歎爲近今罕覩。又見侯約其撫字德化者。以存養乎瞬息。移其實意古雅者。以葆合乎太和。收其遍滿窮簷部屋者。以潛育乎天倪。而滌除乎元覽。不覺悚然。而儼然起敬。異哉侯乎。仁其身而并仁予身乎。予旋里時。盡得侯瀕行遮留狀。今世所無。即王宗伯撰去後碑文。亦未能罄。曩所會玉陽書院諸士。罔弗思侯。思其洞悉民瘼。思其學術政事。無日或去諸懷。是歲初秋。爲侯六十初度。思致岡陵之祝。予安能已於言哉。侯大渾然仁體。以仁成壽。多士因思侯之仁。以祝侯壽。推廣其體。深驗其心。將侯一身之仁。推之爲千萬人之仁。而千萬人之仁。歛之爲一身之仁。爲千萬人之仁。則千萬人之心。合而思侯矣。爲一身之仁。則千萬人之心。亦合而祝侯矣。或曰侯之仁體已素。而心依塘南師以爲壽。何也。予曰道跡哉。竊思塘南先生。敬歷中外。廿年不可。謂非經世。而必深究

許 忠 直 公 遺 集

所學。惓惓然爲傳道計。屢起不就。何爲者。蓋年已八十。垂教西原之上。儼若高密。而道脉長矣。定齋而在。塘南未死。若之何不壽。夫學而後有師弟子。有師弟子而後有道脉。姑亡遠喻。其在白沙子之門。賀克恭棄諫。臺抱師像老於北海。壽七十有奇。張廷實棄尙書郎。抱師訓老於南海。壽亦七十有奇。大率與白沙子之年近。非道脉與。或曰若然。侯壽似可逆睹。予曰。有待哉。孟子云。修身以俟命。守先王之道。以待後之學者。自孟子而後。歷數百年。能當此任者。惟鄭高密。高密守其道以徐碩臨。碩臨之能傳其學。以及學於小同。此何故也。爲傳道也。今觀十年前。塘南先生以侯爲碩臨。以其孤孫爲小同。必待其能爲師。以教其孫。以傳其學。而始不失其道統。以視白沙之於景易。陽明之於正憶。大都皆同。則何可有待於後學也。夫身脉關夫家脉也。家脉亦關乎道脉也。始不自以爲私。而卒能成其私。亦未有不仁其身。而能不仁其後者也。凡此皆可以祝侯。瓊文多士。所爲遙拜而瓣香以祝之者。其在是乎。至若世家貴顯。宗嗣炳蔚。爲廬陵鼎

序

致

族。業見有大宗之子。長而賢者。同尸之。不在祝中。是爲序。

諭義亭朱陸同然記

余入洞讀朱陸二先生所爲。宣諭吾夫子諭義之旨。有慨于中。擬造諭義亭於文會堂後麓。扁之曰朱陸同然。諸士友問其說。說曰。義也者。自有天性來已然。諭義也者。自有聖學來已然。二先生安得不然。安得不同哉。夙傳象山尊德性。晦翁道問學。爲之徒者。至分門別戶。互侵牴牾。若鑿枘不相入。後學遂謂朱陸異造。衛道之士。乃肆爲論辨。調停其異。而強歸之同。余竊疑焉。夫二先生學聖人者也。聖人之道。一而已矣。何至背馳若是。已取象山書讀之。則未嘗不消問學矣。已取晦庵書讀之。則未嘗不尊德性矣。已又取所謂無極太極之辨。反復讀之。止于一時章句意見之偏。而未嘗不歸一于太極矣。居則曰。朱陸同哉。乃今睹象山發明諭義。痛快人心。晦庵書而傳之。鐫而永之。所爲指初學之關鍵。而啓叔季之塵迷。如合符券。毫髮不爽。安得不曰朱陸同然哉。第余竊深有感矣。朱陸之時。去孔孟之時已

許 忠 直 公 遺 集

遠。今之時。去朱陸之時亦遠。富貴功名之習。淪肌浹髓。惟穆是趨。沉溺者
恐復不少。即使朱陸生于斯時。一引髮而拔之。一扣脛而驅之。不知遂能令
自知愧否。能令之愧。而遂能令之反求其然否。能令其所然。不然其所不然
否。出乎彼。必入乎此。離于利。必嚮於義。余無似。正知迷而反嚮。畏影而
却走之時也。嗟乎。朱陸之同然。孔孟之同然也。先天後天。前聖後聖。其不
然而愧。愧而求其必然者。亦同然也。是則余立亭之意也。

尙友書院記

萬曆二十二年甲午

大宗伯忠銘王先生。自乙丑釋褐。讀中秘書。討國史。典教成均。徘徊兩京。
吏禮卿亞。以迄今官。三十年於茲矣。亦既盡友天下之善士矣。歸而建書院。
於是呂學宮之左。題曰尙友。蓋曰予從此尙論古人。論其世知其人。如子與
氏旨也。江山有助。夙志爲醇。請以記屬吾。子偉不獲辭責。竊自維曰。先生
今日。始友古人耶。兩朝侍從。以經術人材事明主。上肩禹臯。下不失選。固
先資之謂何也。今日獨友古人耶。所昕夕韋帶之士。而哇峻之儔也。行不越

井里。聲不徹都會。安得謂一鄉也者。只今人也者。而擯遠之。偉敬有質於先生。先生襟期朗曠。不立城府。每每脫畧於形骸聲勢之外。而一種天趣。盡如融如。偉月且先達。嘗僭擬剛峯冬也。而先生陽春。春者仁也。先生自適其適。而又適古人之適者也。夫世莫古於性。性莫古於仁。以其不忍人也爲愛。以其不私己也爲公。以其天地萬物一體。而痛癢相關也。爲覺爲活。總之乎已立立人。已達達人而已矣。好仁者無以尙之。是曰尙友也與哉。雖然。偉又質於先生。先生曾著論曰。用則行。舍則藏。惟孔與顏有是也。有是者有所以行。所以藏之之具也。夫孔子安仁。其顏子不違仁。藏則仁一身一家。行則仁天下。仁人不過乎物。此物此志也。先生進而友顏。又進而友孔。所以行所以藏之具。猶之乎已立立人。已達達人而已矣。中人以上。可以語上也。是尙友也與哉。乃先生則致書偉曰。予異日者。引士子敬業樂羣於其中。而以其後堂虛一龕。祀先大人鄉賢府君焉。若而可耳。嘻。茲正偉所爲質於先生者也。引士子者。所以仁士也。祀親者所以仁親也。故君子終身仁

禮。靳以信今傳後世。任則舜。不任則鄉之人。鄉人也。而友於鄉之善士。不可得。矧其曰國天下。矧其曰上古。偉反而質諸吾心。寧不潄潄汗浹踵耶。易忍卽愛。易私卽公。易冥頑卽覺。易槁枯卽活。易儀衍卽善所以行。易沮溺卽善所以藏。友孔顏。友堯舜。偉且廣與天下土圖之。而近與瓊定土圖之。若曰一日復禮。天下歸之。爲仁由己。非由人也。則惟先生自質己爾。是舉也。經始於癸巳之冬。落成於今歲之春。前後堂兩廊儀門。以楹計者若干。用白金以兩計者若干。用夫以名計者若干。厥地南面對文筆峯。襟大江。控金鷄嶺。蓋形家羨白眉云。首事者邑尹姚君志崇。粵右人。成之者暑邑陵水尹邵君希皋。淞西人。而董役者里老李宗章。卽先生邑人。先生科第勳名。在宇縣甚著。計且焜彤史。而範來禩。不之及。

陳邑侯去思記

余從徵時。爲郡博士弟子員。每袖所習業。就剛峯海先生質正。間語及吏

治。徧商吾瓊握銅綰墨之吏。首屈指臨高陳侯。且曰侯清丈素善。所謂參也。竟以魯得之者。剛峯論人慤直。雅不喜褒異。而於侯心賞舌贊。至擬之曾參大賢。侯胡能獲是哉。侯之始莅臨也。攷古典得謁高山神。用迓迺庥。造福氓庶。侯至白鹿調馴還度。初若嚙矢易之。而旣然神奇也。鹿故仁獸。乃白。則攝生家所稱千年完質。惟之兆侯。侯之政。蓋純白而載道者矣。其清標也。誠不忍啜斯民之膏血。而毫蟻自點者。其慎刑也。誠不忍斃斯民於桁楊之中。以鷹鷂樹威者。其省訟也。誠不忍斯民之沿習桀健。以傷純厚雅道者。其履畝清丈也。誠不忍縱豪詭遮窮瘼。以辜朝廷蕩滌之恩者。其明化飭俗也。誠不忍斯民踵陋汨非。以淪喪其天良之眞者。方其莅事民日。父母稱頌之。若嬰兒之戀戀。迨去。民咨嗟泣留不遂。乃脫鞵憶侯。且冀後志者。盡侯若也。有以哉。有以哉。夫侯之政仁也。民之感而頌。頌而思仁也。余以箠鳴侯之政。以志一時感應之機。亦仁之餘緒也。今之易談吏治者。矚有稍可人意。動以冀黃卓魯稱之。顯祇獵華貢腹。而無當於實。史莫之採。假令有

孟堅蔚宗良史。取侯之政績。與兩漢循吏比肩而並傳。後觀者何敢軒輊哉。侯真龔黃卓魯也。已侯韓節。號振源起家閩貢生。近遷儋守。余猥列朝籍。違諸閩人識侯者。稱侯爲聖胎道骨。不逐塵波。而臨人壽官吳應朝冠帶生員林士真。蓋亦向仁慕義。馳襲故全者。宜有此請也。

巡按蔡公散灣黨碑記

侍御蔡公之按吾瓊也。理百年之曠轍。剔窮陬之積蠹。播萬靈之新社。貪贖解綬。氓庶維新。真奇蹟哉。而最著洪伐。鑄貞珉而不泐。則莫散灣黨若也。瓊之有灣。蓋十餘年所矣。始當事者念黃池赤子。不欲專騁戈戟。以干天和。而若黨在撫綏之後。名爲良民。而攘民間利如故。頻揚帆西向。載珠合浦。扞憲網不休。洋裏遺垢艦稍脆。輒反戈吞噬。而四方亡命賊獲。遁入其中。相倚爲奸。有司豈志包荒云德。不欲問。且以彼爲強藩。且以彼爲勅禦。以故若黨也。動聯百艘。孥口盡挈而逝。則有疑有司之心。有司躊躇顧盼。謹茲爲備。則有疑若黨之心。瓊之民蜚語搖惑。以癭毒旦夕潰也。則內

以疑有司之心。而外以疑若黨之心。瓊之勢亦岌岌矣。所幸侍御蔡公至。洞奸燭詭。講義樹恩。一朝而散處之。且諭之曰。朝廷廓天覆。侍若不死。若奚以明報也。則首者泣而聽。俄而曰。廬室邱塚之念。人人俱有。何若竄別境。觸亡命爲生也。則從者泣而聽。不泐旬所云舖前盜藪。焦蕩爲隰郊。襍諸闌閤中。尙意曰。若而李。若而陳。豈不可近。而宰相帖帖也。於是乎瓊無灣。灣無黨。亡復猜忌而煽惑者矣。吁嗟乎。曷以能是哉。公之學力追聖軌。矚天理甚晰。故以天理感人。而人亦以天理應之。其相與帖帖。而亡復猜疑煽惑之態。則天理之効也。偉奉役旋里。間從薦紳父老。頌公不朽勝事。僉謀碑焉。偉乃載筆言曰。吾人活霄壤間。恃此天理。而盜乃滅之。然實未嘗滅也。彼若人猝以天理應公。如重雲之快睹。曰。何忍復盜。有司樂天理之在若人。而漸成有地。何忍復跡其盜。瓊之人方與捐故轍。締良盟。何忍薄之於天理之外。而復詆其盜。自此深善嘯聚之輩。願投弧矢。勤奮錚。以沃壤益常課。而瓊無內憂。自此洪波狂逞之徒。亦且斬楫淪檣。潛就樂土。鞫固天年。而

瓊無外驚。則皆公餘澤矣。公之存功德於瓊。夫豈不閎且逖哉。公名夢說。字君弼。別號梅岩。起家名進士。爲閩漳巨姓。諸盛政在粵。蓋弗克縷叙云。

會同學田記

嘗聞地之美者善養禾。君之仁者善養士。董子曰。不素養士而求賢。譬猶不琢玉而求文采。不可得已。甚哉夫士貴養也。會同自設學來。文教雖興。而養士無具。作人之典。猶有缺也。余鄉遊東山。道假會邑。邑侯盧公。學博池公來謁。譚及士風。因謂予曰。學校有田。猶草木之有雨露。士實藉焉。予輩業已捐金。謀置學田矣。居無何。盧公以遷秩行。蒞邑政者今虞公。遂慨然共成厥舉。擇買腴田一莊。歲收爲諸生課餼焚膏之需。於是徵言於予以諭諸生。予告之曰。夫士之異於凡民者。儒其衣冠。肄其儀文。以夸耀州里乎哉。蓋有莫大之責矣。書不云乎。既富方穀。差行昌邦。茲在上者躬行教化。而養士以田。是雨露之培潤也。爾士幸際斯時。尙相與思育才之雅意。存實

心。講正學。居必蹈道履德。出則緩佐下民。步武昔之所謂薪樵械樸者。斯爲向陽之幹。徹籍之條。而官家重藉是。若徒具衣冠儀文。靡茲田祿。於所當盡者。不翅弁髦視之如草木。自外於大造。不蘭芷而蕭艾者也。將因用之。其若在上者之作興何。多士懋戒哉。

儋蘭村德義書館記

余從萬歷丁丑迄庚寅。蓋儋遊且六禩焉。初爲王敬所延館於唐松山故宅。扁書室曰知新。取可以爲師之義。未有記也。秋移館七里何鄉。徒漸衆。會文於觀音古刹。追扁曰冥會性靈。尙未記。明年徒益衆。乃館於郭岐山圃。圃在大蘭村郭先生榕庄。以儒官顯而稍落寞。可念也。扁曰蘭館書香。則有記矣。又明年余始入博士弟子員。副榜落第。庚辰遂之儋。修舊業。而前途皆已列州爨爲諸生。不可復業。乃爲劉梅臬所延館在高坡。時蓋異焉來翔。意其鸞也。因扁其堂曰鸞坡堂。則又有記矣。儋西北有德義嶺。岐山尋徙蘭

許 忠 直 公 遺 集

館向之。曰陽明精舍。曰後樂橋。灣塘叢竹。余蓋旬日一盤桓焉。壬午明鵬薦。甲申載就德義館。謂生徒衆。如茂寅而旣倍之。余書室正對德義。始揭尊德樂義。與諸生共談說。而岐山家益窘。神益旺。每攜余坐竹橋上。一觴一豆。下觀小魚爲娛。晴則憩濃陰。歌白沙陽明詩句。雨則引水入塘。拊掌徜徉。飄飄然若脫世網而僊者也。孟子曰。尊德樂義。則可以壽壽矣。岐山非其人哉。丙戌歲余第進士。官行人。丁亥奉命理海忠介後事。越巳丑而竣。復儻遊。講義學。盟義學。得地於儋城東南郭外。取傍東坡祠。易集諸生。而岐山舊誼。不可辜也。乃勉捐十金。荆德義書館於蘭村。岐山力肩勞費。以興起斯文爲己任。陳守廉厥善狀。招致旁鄉夫佐成之。幾成而岐山易簣。談語專及此館及余。不它及焉。茲不可以觀德義哉。今余冊封歸省。業已爲文哭岐山。而書館方新。竹塘仍故。山川尙以識人。諸生隨入蘭村。越宿而散。岐山子思敏。隱然乃父風已。余不佞。敢臆言曰。余與諸士以道學相切磨。以功業文章相砥礪。依畝數歲。不忍解攜。德與義也。岐山與余懽歡

記

拾玖

林泉之間。翱翔塵壤之外。鄉國幽明。夢魂耿耿。德與義也。諸士與思敏輩。一稟師若父雅意。道志孔孟。業志伊周。文章志班馬。遇則名世。不遇則範世。德與義也。周子曰。天地間至尊者道。至貴者德。至難得者人。人而至難得者。道德有於身而已。

遷建儒學記

皇帝御極三十有八載。萬州新遷學宮報成事。恭惟聖明文治流暢海宇。東南閩浙棊盛。萬之於瓊。猶閩浙於天下。起衰而盛。當自今學宮始。先是萬士上請於當道曰。萬之不競於文也。士實恥之。願茲學宮緣遭兵燹。亟爲遷。如造草昧。弗良於圖。南壓司府行館。西逼州治。卑湫澗沕。弗協於制。甚非所以宣道化。回文運。盍改諸。於是浙湖茅一柱至。具詳督學。諸上官咸報可。擇其故址。左州右枕。厚攬豁展。闢而經畫焉。殿堂門廡。次第畢緒。尋入覲。擢任去。於是閩泉幸侯志會繼至。加意經畫。捐俸郵民。時遇

許 忠 直 公 遺 集

歲歉。鳩工代食。已歷三載。畢所未畢。萬士致侯命以紀歲月。請序於偉。敬述觀聞爲之記。曰。今天下郡國州邑。咸有學宮。若文廟。明倫堂。前櫺星。戟門。若泮池。兩廡。若齋舍。若鄉賢名宦祠。後若啓聖祠。敬一亭。尊經。文昌閣。咸若其制。而茲新學宮皆有之。茲州大夫寅率師生。朔望瞻會所見。卑湫者高敞。逼壓者宏覲。閭沕者耀於光明。又皆彈冠相慶以爲喜。迺今所願有而深喜之者。更有所事。實厚望於諸事大夫。夫教者。以性道爲學者也。學而非修道率性。有負於教。性道都人士所固有也。有而非著於倫紀之常。察於隱微之獨。且有負於身。此身在學宮爲暫。在性道爲恒。求新於學宮也。爲壯外觀。求新於性道也。爲功內密。恥不香而改焉。擇厥善而遷焉。遷之至善而止焉。凡吾心性原有是學。惟務敬以直內。義以方外。以成氣節交章之盛。所謂本諸性道。而發爲事業者。莫不有之。州之大夫庠師。勉其子弟。天下同文同倫之治。共爲率循。聖朝需賢若渴。無間遐邇。本其所學。出有以襄贊經綸。而恢張治化。遠視維新廟貌。光輝竇多。茅葦兩侯。諸庠

記

式

師。始終身厥事者。不永有樂施哉。是役也。肇始乙巳春三月。告成於庚戌六月。而辜侯加意經營。歲在戊申己酉。適符高帝卽位。詔天下郡國創造學宮之年。可以卜文明之盛矣。茅侯浙江進士。辜侯閩進士。相繼德政。咸在萬人口碑。其庠師貳領與效勤。諸生佐工。諸里老皆有勞勩。咸得書名貞珉之左。

濬河記

夫善治雷者。未有不重水利者也。余往來道雷者三十年。稔聞何渠戴堤三賢祠、四德堂、永有辭於雷。邇來得雷志讀之。則所云十陂十一塘通濟惠濟諸橋。大抵宋元至國朝名宦。水利懿績。蓋不啻西門豹史起之業云。居平跡已事觀之。大率雷人饗資取給東洋田強半。東洋數萬千頃。所資灌溉。一自

許 忠 直 公 遺 集

特侶塘之水南下。風雨不時。圯塞百狀。其利似脆且迂。兼以大海環偏。濤
飛波漲。一潰其防。田畝輒飽鹹鹵。其害又促且劇。不渠之疎之濬之濬之。
未有得利者也。不堤之捍之排之障之。未有免害者也。不時渠之時堤之。不
兼渠之兼堤之。未有有利無害者也。往者遞關遞闕。旋舉旋廢。雷於是。有枵
腹啼飢之人。歲遇大祲。老弱瘠之溝中。壯者散之境外。可爲歎息。憶余丙
申。曾東洪叅藩曰。水利不興。彘教不飭。安能福雷哉。叅藩尋離任不果。乃
今幸得司理高君則。洞見雷州利害而力行之。甲辰六月。王生之翰。李生能
白。航海而南告余高君濬河狀。其言曰。高大夫福雷甚厚。司理賢聲。昭晰
粵東不具述。頃奉兩臺檄兼署郡篆。邑事掣然理也。剖案積。清衙蠹。振作
文教矣。而又夏日課東洋之農。循環塘。踏圩岸。力修何戴諸公故蹟。開二
大河。河各長三千餘丈。宜障者障。宜橋者橋。宜開者開。計田鳩工。民不見
勞。僅三月而竣。萬頃穰穰。周澤渥矣。兩臺諸當道。咸嘖嘖嘉與之。御史林
公。且給續餼七十金佐其事。凡所調度。悉出大夫捐己以處。秋毫不費公帑

記

式叁

許直公遺集

記

式肆

及民間財。又議建迎春亭於東郊。以導生氣。豁海康溢額千八百口。以恤民窮。嚴禁四方游商。居奇。以繁生齒。清沿海之野。輯鄉保之兵而益之。不動聲色。禡衆寇之魄。俛首而去。諸所興革。若桴鼓而風清也。高大夫福雷甚厚。句先生直筆記之。用光在者。風來者。余聽之擊節稱歎。吾瓊嘗辱高君。直指巡矣。宿蠹洗而盡。涼人頌之。雷其大有造乎。爰綴居奎所見聞。雷人所言。而自稔曰。夫士大夫文行自詡。一入聲利之塲。如突人滂池。拖泥帶水任之。疇能禔身藻潔。念切痼瘵。日孳孳務與民同。嗅咻而祗痛之也者。一、宜紀以暫視畧難於永肩。以叢挫視兼畧難於紛馳。疇能神智大定。精深諱如。如林公恕之風稜。楊公澄之平恕。合而爲一人也者。二、宜紀禦寇。如唐公汝迪。苦節何如陸公瓚。自非勇不避難。忠不慮私。又疇能以一歲策千百載也者。三、宜紀有此三宜紀。而渠當不擅何。堤當不專戴。三賢可四。四德可五。英靈諸山。若增而崇。擊雷諸水。若濬而深。而安可不貞之石哉。余夙知高君秉正不近名。士民斯舉。必且爲阻。然一郡之心。一世人

許 忠 直 公 遺 集

之心也。雷人公之。世寧復以爲私。雷人直之。世寧復以爲枉。矧高公直道公心。必能自信以信雷人。而信之當世。又何阻焉。

記

式伍

祭海忠介公文

祭文

式陸

嗚呼天地生人。惟有此心。人心作用。惟有此真。凡此真心。厥賦惟均。抱真以還。惟公獨然。四歲而孤。母訓是循。性秉剛介。學究本原。鄉愿力詆。日師聖賢。勞如世態。匪染胸襟。特立獨行。砥柱迴瀾。筮登仕路。平黎建言。民物已任。若救溺焚。秉鐸南平。明執憲編。禮以訓士。膝不屈人。兩宰疲邑。專用條鞭。家僮負薪。里胥歸田。岡見上官。知有下民。淳安三載。折挫愈堅。興國歲餘。京秩高薦。事我蕭皇。慷慨批鱗。九死不回。甘饒如饁。寵遇穆宗。一歲數遷。駁歷華要。尋撫聽天。芟強扶弱。矯俗革淫。厥功最鉅。松江開湮。磊磊難偶。浩浩歸然。扁舟卓帽。十有六春。雖則屢薦。若將終身。會值聖明。特起海濱。始擬銀臺。帝更憲臣。趨命在途。尋貳留銓。遂總南臺。彈壓司權。釐汰夫役。若解倒懸。志在救世。力不逮年。七疏不允。恒化登仙。家無長物。原憲之貧。嗟呼生稟間氣。出啓泰元。孔剛孟浩。近代誰

許 忠 直 公 遺 集

倫。於世無覲。於身無牽。亦惟高風。人人自憐。民悲喪考。士悼涕漣。當宇
震惕。若失濟川。贈諡祭葬。渥典頻繁。於公何加。輿望長殷。偉等居同里
閭。仕接官聯。周南呖尺。絮酒莫伸。顧瞻矢誅。揮淚沾巾。匪爲吾私。斯世
斯民。恪守典刑。庶如公存。

謹案王尚書宏誨。梁中丞雲龍。與公三人祭海公。王梁俱官在江南湖
北。公奉旨護喪歸瓊。此是十六年秋祭文。其文必是公作無疑。尚書已
有江南同官公祭文。

祭文

拾玖

詩

式拾

文筆峰

憑誰豎義畫。挿破古天荒。雲錦毫端彩。星芒筆底光。穎臨千嶂俯。翰灑八
埏香。對此心緣正。依稀首欲昂。

五指山和丘文莊公韻

翠壁陵嶒五嶽連。恍疑仙掌出扶天。迴環遙鎮千溟浪。蹇蹇長浪百瑞烟。似
鼓羣山來北拱。已標奇甸正南懸。陽春雅調應相續。俊羽清商起太原。王尚書索

和結句
及之

海口渡 奉使南還

路斷天涯得少停。樓船簫鼓日逢迎。三更挂席渺滄海。二月乘槎老使星。春
氣暖如雉下臥。潮聲細入寢邊聽。寒裝頓喜充行篋。依舊懸車菽水亭。

挽海忠介公

本來正氣參天地。正氣如公信可參。九死孤忠能悟主。一生奇節在懲貪。已

聞吳下稱爲母。幾見朝中果是男。蟬翼輪何事重。對公衾影欲無慙。

玉陽書院

好築山堂深未深。蓋輿便得兩登臨。共尋勝日無邊景。時話先天一點心。苗髮雨翻新作浪。枝頭鳥宿故知音。乾坤不惜明開眼。紅紫東風自古今。

臬塘館喜晴擬回玉陽書院祀白沙先生

聞道青山恥據梧。巾車又到小蓬壺。巖花宿雨紅含態。水鳥新晴綠喚雛。本爲登山持蠟屐。更盟觀海泛棠墟。春風兩袖蒲三尺。歸對先生契我無。

遊青山二首

有序

己亥春。會講玉陽書院。從賀明府請。以上丁日文廟祭畢。主祀白沙先生。不自知其僭也。次日招遊青山嶺。一名玉陽山。書院蓋以是得名。云。時春雨淋漓。旣慨重別。爰賦志感。

江門春景自吾鄉。祀罷先生躡玉陽。剩有春風簑一領。不妨投足雨如漿。

詩

式壹

詩

式

年來東道主人翁。靜似潛龍動亦龍。簫洒不知身透雨。乘風直欲跨崆峒。
春到文昌滿縣花。脚歪高處講無遮。微茫雨色團傾蓋。錯認青陽是白沙。

馬鞍岡

從來天賦種。不受俗鞿韉。錦鞵黃金勒。何憂道阻長。

16
115
80
100

中華民國二十年八月出版

全書一冊

定價大洋六角

著者

鄭廷鵬
梁雲龍
林士元
許子偉

校訂者

王堯雲

出版者

瓊州海口
海南書局

發行者

海口府城
海南書局

廣州開智書局

分售處

香港華新書局

國內南洋
各大書局

行印局書南海

作傑賢名崖瓊

大學衍義補

丘文莊公著 是書開古聖大學之要旨補西山衍義之未備爲四庫全書之一坊間絕少存本海內學者欲見其書而不可得敝局得王堯靈先生家藏珍本并蒙吾瓊各界人士捐助一部份印費始克付版現用連史紙三號字粒排印裝訂精緻全部二十冊實價大洋十五元書出無多海內人士愛讀本書及有志國學者請從速購

海南叢書

▲丘海合集 著者丘文莊 海崖翁 全書三冊定價二元四角

▲瓊崖詩話 著者丘文莊 全書一冊定價三角

▲鷄肋集 著者王佐 全書一冊定價八角

▲漏卮集 著者唐庚 全書一冊定價六角

▲中秘遺稿 著者陳是 全書一冊定價六角

上列叢書均已出版照大洋五折發售倘有天池草均心堂閣道堂朱子學的等書現在印刷中日間亦將出版吾瓊人士如有家藏前賢遺稿請惠交敝局繼續翻印以傳文獻而餉後學是所至幸

▲陳檢討集 著者陳翔 鍾芳 張子 張 全書一冊定價八角

▲石湖遺集 著者梁 全書一冊定價六角

▲松籟小草 著者王 全書一冊定價六角

▲抱經閣集 著者 全書一冊定價六角

▲揚濟集 著者 全書一冊定價六角

